

榆林府志

[清]李熙齡 纂修

陕西省榆林市地方志办公室 整理

下

上海古籍出版社

[清] 李熙龄 纂修

榆林府志

陕西省榆林市地方志办公室 整理

霍光平 张国华 总校注

马少甫 校注

下

上海古籍出版社

图书在版编目(CIP)数据

榆林府志/(清)李熙龄纂修;陕西省榆林市地方志办公室整理. —上海:上海古籍出版社, 2014. 11
ISBN 978-7-5325-7383-7

I. ①榆… II. ①李… ②陕… III. ①榆林市—地方志—清代 IV. ①K294.13

中国版本图书馆 CIP 数据核字(2014)第 186660 号

ISBN 978-7-5325-7383-7



榆 林 府 志

(全二册)

[清]李熙龄 纂修

陕西省榆林市地方志办公室 整理

霍光平 张国华 总校注

马少甫 校注

上海世纪出版股份有限公司 出版
上 海 古 籍 出 版 社

(上海瑞金二路272号 邮政编码200020)

(1)网址:www.guji.com.cn

(2)E-mail:guji1@guji.com.cn

(3)易文网网址:www.ewen.co

上海世纪出版股份有限公司发行中心发行经销

上海中华商务联合印刷有限公司印刷

开本 889×1190 1/32 印张 31 插页 14 字数 595,000

2014年11月第1版 2014年11月第1次印刷

印数: 1—2,300

ISBN 978-7-5325-7383-7

K·1927 定价: 198.00 元

如有质量问题,请与承印公司联系

卷二十四 风俗志 习尚 礼仪 附岁时 市集 方言

习 尚

榆 林 府

本朝《一统志》曰：怀忠畏法，果敢勇往。又考昔冯仲好志曰：习弓矢，好战斗。郑端简公志曰：多将材，有节气。征之明末，益信，盖其性习然也。近复涵濡圣化，二百年来讲学、务农、好义、崇俭，民风淳朴，虽贫苦不为盗贼。此陕省之善俗，不得以地近边陲外之。惟妇不知织，自昔已然。且沙漠之区，土田硗瘠，户鲜盖藏，加以水旱霜雹，堪为隐忧。

榆林县《镇志》谓不事耕织，华而不实。兵民参半，以饷为命，稍稍水旱辄肆攘窃，此鼎革之初，明季余风未殄也。近今民气安静，勤农务，崇节俭，习骑射，尚忠勇。士敦学业，文风渐兴。民安贫苦，耻为盗贼。惟妇好华服，不事纺织，乃其敝俗。

神木县《县志》：水甘土厚，风气冲和，民尚勤朴。密迩边陲，多喜射猎，不事绩纺。至于服田力穡，固其本业也。文武士大夫颇尚气节，军民间有佞佛谈仙者，亦不为左道之惑。

府谷县《县志》：地临边塞，俗尚俭朴。男女耕耘，不习织纺。

葭州《葭州图经》：好尚武力，守望相助。《州志》：士多英特，尚节义，工文词。少长有礼，民安俭朴。惟城堡与沿河一带稍习粉饰，然不事商贾，专勤耕牧，亦重本安土之意也。

怀远县《县志》：士风淳朴，民情愚戆。止务本业，不知逐末。

礼 仪

冠礼，士绅家间行之。

婚礼，媒妁言允后，男家问名，下聘请期，纳币丰约不同。娶妇入门，相引拜堂，入室合卺结发。次日黎明，夫妇行庙见礼，次拜父母尊长，布席作酒筵，会亲友。毕七日或十日，婿偕妇归宁女家，曰回门。

丧礼，士绅家一遵家礼，亲友吊者散孝带，至戚给孝衣。散七及百日，亲友具仪致奠。殡不过百日，早或五七日，贫者三日。无浮屠不葬者。棺以柏以松，贫者以桐、柳。

祭礼，士绅家奉木主于祠，元旦、冬至、忌日行三拜礼，四时荐新。元旦、冬至、清明、中元、中秋，俱墓祭。登科拜官，备牲设乐，请相礼赞，亦祭于墓，行九拜礼，与常祭异。乡人奉木主于室。

附 岁时

正月元旦，鸡鸣起，祀神祭祖。黎明以次拜父兄，出

门拜师长。亲戚会酒食，率五日交遍。立春日，设春盘，食春饼，蔬用萝卜，谓之咬春。五日，扫除尘垢，名送穷。晨起饱食，谓之填五穷。十二日，名鼠嫁女。食不炊米，谓之鼠忌。是夜，家人息烛早寝。十五日，元宵夜，街市遍张灯火，朗如白昼，长少聚观。小儿骑竹马灯为乐。先夕至次夕三日，火场聚石炭如斗大者，累作幢塔状或狮象形，然之，通明竟夜。十六日，士女或往来亲串家，谓之散百病。

二月二日，乡人集龙神庙，刲羊以祭，^{〔一〕}谓之开庙门。

三月清明前一日为寒食，作秋千戏。士女插柳毛、白杨芽。柏叶于鬓。出城拜埽，或选胜踏青饮酒。儿童竞放风筝，两日乃止。

四月八日为浴佛辰，或作佛会。

五月五日，端午节。具角黍，饮菖蒲雄黄酒。男妇簪艾叶，小儿系五色丝艾虎。

六月六日，黎明煮绿豆汤，携至祖茔浇奠，取解炎歎，谓之奠浆水。回时各汲水具器中，作面酱不败。

七月七日，妇女夜祀河鼓、织女，乞巧。十五日，中元节。家各携瓜果出城墓祭。佛寺作盂兰会。

八月初三日，祀灶神。十五日，中秋节。夕设瓜果月饼于庭拜月，瓜副之如华状。拜毕，具酒赏月。

九月九日，重阳节。荐糕糜，采菊花，登高饮酒，为时宴之游。

十月朔日，家家剪楮帛，作寒衣，诣祖茔焚送。

十一月长至日，祀祖，交贺如元旦。

十二月八日，用米豆为粥，名腊八粥。二十三日，祀

灶神，献饴饧、鸡肉，谓新旧神代易，又名送灶。二十四日埽舍宇。自是日至除日，婚嫁不择吉，谓之百无忌日。除日换桃符，贴宜春字，爆竹辟邪。长幼设席群饮，灯花竞夜，谓之守岁。

市 集

榆 林 县

县城集岁无虚日。县南关集每岁七、九、十月，集十日。县北红山寺集蒙民交易处，镇北台马市即此。每岁五月，集三日。双山堡集每岁四、七、十月，集三日。朱官寨集每岁八、十月，集三日。党家街集每月一、六日。上盐湾集每月二、七日。镇川堡集每岁三、九、十一月，集六日，余每月四、九日小集。

神 木 县

县城集岁无虚日。红市集每月八日。太和寨集每月六日。清水坪集每月三日。温家川集每月九日。燕子峪集每月四日。菜园沟集每月二日。大川口集蒙民交易处。

府 谷 县

县城集每月一、六日，早在县城，午在刘家川。黄甫川集

每月一日。木瓜园集每月四、九日。孤山堡集每月三、八日。镇羌堡集每月四、九日。盘塘集每月二、六、九日。磧塆集每月四日。石马川集每月三日。麻地沟边市集蒙民交易处，每月逢十日。

葭 州

州城集每月四、九日。大会坪集每月三、八日。通秦寨集每月一、六日。王家崙集每月五日。马家沟集每月八日。乌龙铺集每月一、五日。店头集每月六日。黑水街集每月一日。荷叶坪集每月五、十日。螳螂峪集每月四、九日。

怀 远 县

五龙山集每岁三、四、七、十月，集五日。波罗堡集每岁十月，集五日。孙家石湾集每岁三、十月，集五日。响水堡集每岁七、九月，集五日。武家坡集每岁七、十月，集五日。

方 言

汞音钻。水入土也。

坳与漫同。水冒土上而流也。

𪚩与覷同。三人不出头也。

井瞎同。人入井也。

闾钻同。身入门中也。

田磳同，土入口也。

爨音进。火炒豆则进也。

埧音寻。山之田不能亩计者曰几埧。

塙音掙。能自立身也。刘塙，人名，见《宋史》。

塿音蛙。山之污下也。

垧响同。牛之耕地曰几垧也。

銮音班。俗谓文武全才也，因有取以为名者。

吉缝同。土开口也。

茭野同。

粃音参。莠麦仁也。

銖钉同。

冇无同。

吉𠂔音格喇。亦缝也。

梁俗呼山脊为梁

𠂔俗呼器具为家使，作此字。

猪猪音客娄。小猪也。

吃𠂔乱说也。

圪塆音格劳，去声。山之窝处也。

𧈧𧈧神名，即𧈧𧈧也。

崾崴山之过峡处也。

喜喜同。俗以二吉为喜。

𠂔音便。急走也。

𧈧𧈧音先生。俗呼瞽者之能巫卜也。

码俗以码碯之码为法马之马。又骗人曰码驴，是马扁之讹。

圪塔小山相连峰起之名。长乐浦东二十里有一湖，傍起五沙峰，俗名五圪塔。

穰然字，去声。俗以麦秸和泥涂壁，谓之穰草。

𡵚音卯。山之冈坡皆谓之𡵚。鱼河堡有鱼儿𡵚者是。

塙音烟。两山中临溪之小径也。

卡音嘎。食在喉中上不上下下不下也。今伏路兵亦谓之卡。以上并见《镇志》。

圪凸山间小阜曰圪凸。

壠读如战。山障水为大曲，曰壠，见《宋史》。俗作占。《旧志》作缠，非。

圪陀地中大凹曰圪陀。俗作圪坨，非。

磧黄河中水石相击，波浪汹涌之处曰磧。

圪墹小崖曰圪墹。

圪嘴山横如鸟喙者曰嘴，小者曰圪嘴。

圪𡵚山冈之小者曰圪𡵚。

塔阪地之平者曰塔。

坪山地之平者曰坪。

暑退俗谓处暑为暑退。

立冻俗谓立冬为立冻。

瑜冢谓之瑜，见扬子《方言》。俗作榆，非。以上并见《续府谷志》。

【校勘记】

〔一〕刴羊以祭 刴，原作“封”，据文意改。

卷二十五 名宦志前代政迹合编

前代政迹合编

汉古郡县之名与今异，且有一人而历任各地，难以强分。

兹自汉至宋为一册，惟分世次以别之。余仿此。

孟舒故赵王张耳宾客。耳薨，子敖嗣王，以贯高事被逮。诏敢有从敖至者，族。舒自髡钳^①，与田叔等十余人随王至长安。事得白，拜云中太守。十余年，戎骑入，舒以士卒罢敝，不忍言战。士卒感舒恩，争临城死敌，伤数百人，坐免官。文帝适召汉中守田叔问曰：“公知天下长者乎？”叔顿首曰：“故云中守孟舒长者也。”帝曰：“先帝置舒云中十余年，戎骑一入，舒不能坚守，士卒战死者数百人。长者固杀人乎？”叔曰：“此孟舒之所以为长者也。当髡钳，愿以身死张王，时岂自知为云中守哉？汉楚相距，日久士卒罢敝，而冒顿新服，孟舒怜悯士卒，故闭城收保，不忍战。士争临城击敌，如子为父，以是死者数百人。孟舒岂殴之哉？”帝曰：“贤哉孟舒！”即复召以为云中太守。见《汉书》本传。

魏尚文帝十年继孟舒为云中太守。军市租尽以养士卒，出私养钱，五日一椎牛，以飧军吏舍人。戎骑引避不近塞者数年。十四年，躡入，尚率车骑击之，杀馘甚众。见《汉书》本传。

① 髡钳：古代刑罚。谓剃去头发，用铁圈束颈。

廉范杜陵人。举茂才，数月间，迁为云中太守，时明帝永平十四年也。十六年春，边外兵大入塞，烽火日通。故事戎骑过五千，移檄旁郡请援。于是吏以为请，范不听，自率郡兵拒之。戎骑数倍于我，会日暮，范令军中每人各缚两炬，三头熬火，营中星列，望者谓救兵大至，惊欲遁比。旦，范乃令军蓐食，驰往赴之。戎骑扰乱，自相躏籍^①，乘胜获捷，由此不复向云中。见《汉书》本传。

耿秉字伯初，国子。好将帅略，以父任为郎，数上兵事。肃宗建初元年，拜度辽将军，视事七年，匈奴怀其恩信。章和二年，副窦宪击北匈奴，大破之，封美阳侯。永元三年夏，卒。谥曰桓侯。^{〔一〕}见《后汉书·耿弇传》。度辽将军，屯曼柏。

耿种字定公，秉弟。建光初，拜度辽将军。时鲜卑攻杀云中太守成严，围乌桓校尉徐常于马城。种与幽州刺史庞参救之，追酋出塞而还。见《后汉书·耿弇传》。

张奂字然明，酒泉人。举贤良，擢拜议郎。延熹元年，鲜卑寇边，奂率南单于袭之，斩首数百级。迁度辽将军。数载间，幽、并清净。九年，为护匈奴中郎将，鲜卑出塞去。后迁拜大司农。见《后汉书》本传。

李膺字元礼。名重一世，兼识弢铃^②。桓帝永寿二年秋，鲜卑寇云中，帝闻膺名，征拜度辽将军。先是，羌戎及疏勒、龟兹数出攻钞云中及张掖、酒泉。膺到，诸羌望风惧服，先所掠男女皆送还塞下，声振远域。见《后汉书》本传。

翟方进字子威，汝南上蔡人。河平中，为博士数年，迁朔方刺史。居官不烦苛，所察应条^③皆举，甚有威名。见《前汉书》本传。

① 躏籍：辗轧，践踏。

② 弢铃：古代兵书《六韬》和《玉铃》的并称。后因以称用兵的谋略。

③ 应条：谓所犯合乎禁令。

冯立字圣卿，父奉世，野王弟，通《春秋》。竟宁中，以王舅出为五原属国都尉。数年，迁五原太守，徙西河、上郡。立居职公廉，治行略与野王相似，而多知有恩贷，好为条教。与兄野王相代为太守，吏民歌之。见《汉书·冯奉世传》。

徐自为太初三年，以光禄出五原塞数百里，筑城列阵，至卢胸山。见《汉书·匈奴传》。

崔寔字子正，涿郡人。为五原太守，土宜麻枲^①而俗不知织绩，民冬月无衣，积细草而卧其中，见吏则衣草而出。寔至官，斥卖储偓^②，为作纺绩^③、织纆^④、练缁之具，以教之，民得以免寒苦。是时，胡酋连入云中、朔方，杀略吏民，一岁至九奔命。寔整厉士马，严烽堠，寇不敢犯，常为边最。以病征拜议郎。见《后汉书》附《崔骃传》。

陈龟字叔珍，上党泫氏人。永建中，举孝廉，迁五原太守。拜京兆尹，时三辅强豪之族多侵枉小民。龟到，厉威严，悉平理其怨屈者，郡内大悦。见《后汉书》本传。

北 魏

莫云雁门繁峙人。好学善射。世祖克赫连昌，诏云与常山王素留镇统万，进爵安定公。时初并河西，人心未一。云抚慰新旧，皆得其所。见《北史》附《莫含传》。

姜伏连代人也。忠厚有器量。道武初，以功赐爵安邑侯。

① 枲：大麻的雄株，只开雄花，不结果实。

② 储偓：储备，特指存储物以备需用。

③ 绩：把麻搓捻成线或绳。

④ 纆：布帛的丝缕。

太武即位，爵为王。后镇统万。薨。见《魏书》本传。

尉元字苟仁，代人也。以善射称。太和初，出为使持节、镇西大将军、开府统万，甚得夷民之心。赐爵淮阳王。见《魏书》本传。

源子雍字灵和，西平乐都人。肃宗践祚，迁夏州刺史，时沃野镇人破洛汗拔陵首为反乱，所在蜂起，统万胡与相应接。子雍婴城自守。城中粮尽，子雍善绥抚，得士心，人人戮力，无有离贰。以饥谨转切，留子延伯据守，自率羸弱向东夏运粮。行数日，为朔方胡帅曹阿各拔所邀，力屈，见执。子雍为陈安危祸福之理，劝阿各拔令降，阿各拔未果而死。拔弟桑生竟随子雍降。时北海王颢为大行台，子雍具陈贼可灭之状，颢给予雍兵马，令其先行。时东夏合境反叛，所在屯结。子雍转斗而前，仍平东夏，征税租粟，运于统万。于是二夏渐宁。见《魏书》本传。

源延伯子雍子。城斗野战勇冠三军。子雍向东夏，留延伯城守。延伯与兵士共分汤菜，防固城隍。及子雍为胡所执，合城忧惧，延伯曰：“吾父吉凶不测，方寸焦烂，但奉命守城，所为处重，若以私害公，诚孝并阙，诸君幸得此心，无亏所寄。”于是众感其义，莫不励愤。朝廷闻而嘉之。除龙骧将军，行夏州事。见《魏书》本传。

长孙俭代人。孝昌中，边方骚动，俭初假东夏州防城大都督，从尔朱天光破宿勤明达等。周文帝临夏州，以为录事参军事，深敬器之。转夏州刺史，甚得人和。后为西夏州刺史，总统三夏州诸军事。见《北史》附《长孙嵩传》。

北 周

贺拔胜神武尖山人也。少有志操，善左右驰射，北边莫不推

其胆略。朔州刺史费穆奇胜才，委以兵事，时广阳王深在五原，为破六汗贼所围，召胜为军主。胜乃率募士二百人，开东城门出战，斩首百余级贼，遂退军数十里。广阳以贼稍却，因拔军向朔州，胜常为殿。以功拜统军。见《周书》本传。

隋

贺娄子幹字万寿，本代人也。少以骁武知名。仕周，累迁少司丞，封思安县子。开皇元年，吐谷浑寇凉州，子幹以行军总管击之，功最。吐谷浑复寇边，帝以子幹督边事，授榆关总管。还拜云州总管，以突厥所献马百匹、羊千口以赐之，乃下书曰：“自公守北门，风尘不警。突厥所献，还以赐公。”母忧去职。卒，赠怀、魏等四州刺史，谥曰怀。见《隋史》本传。

鱼俱罗冯翊下邳人。膂力绝人。杨素率兵击突厥，路逢俱罗，奏与偕行。及遇贼，俱罗与数骑奔击，瞋目大呼，出左入右，往返若飞。以功进位柱国，拜丰州总管。^{〔一〕}见《隋书》本传。

唐

张长逊京兆栌阳人。精驰射，以平陈功擢上开府。累迁五原郡通守。遭乱，附突厥，号为割利特勒。义兵起，以郡降，即拜五原太守、安化郡公，徙封范阳。时梁师都、薛举请突厥兵南渡河，长逊矫作诏与莫贺咄设，以伐其谋，突厥兵不出。武德元年，诏右武侯骠骑将军高世静聘始毕可汗，至丰州而始毕死，诏留金币不遣。突厥怒，引兵南至河。长逊遣世静出塞劳之，且若专致赉赐者，始引还。授总管，改杨国公。及讨薛举，不待命辄引兵，

会赐锦袍金甲。或潜长逊居丰久，恐与突厥为唇齿。乃请入朝，授右武侯将军，徙息国公。见《唐书》本传。

张仁愿华州下邳人。有文武材。武后时，累迁殿中侍御史。万岁通天中，为中丞检校、幽州都督。默啜寇赵、定，还出塞，仁愿以兵邀之，贼引去。迁并州都督长史。三年，朔方军总管沙吒忠义为突厥所败，诏仁愿摄御史大夫击破之。始，朔方军与突厥以河为界，北崖有拂云祠，突厥每犯边必先谒祠祷解，然后料兵渡河而南。时默啜悉兵西击，仁愿乘虚取汉南地，于河北筑三受降城，绝南寇路。以拂云为中城，南直朔方，西城南直灵武，东城南直榆林，三垒相距各四百余里，其北皆大磧也。斥地三百里而还。又于牛头朝那山北置烽堠千三百所。自是突厥不敢逾山牧马，朔方亦无寇，岁省费亿万减镇兵数万。景龙二年，拜左卫大将军，同中书门下三品，封韩国公。见《唐书》本传。

颜真卿字清臣，琅琊人，秘书监师古五世从孙。开元中，举进士，迁监察御史，使河陇。时五原有冤狱，久不决，天甚旱。真卿辨狱，而郡人呼为御史雨。迁殿中御史，宰相杨国忠恶之，出为平原太守，更封鲁郡公。后为李希烈所害。谥文忠。见《唐书》本传。

郭子仪华州郑人。长七尺二寸。以武举异等补左卫长史，累迁单于副都护，振远军使。天宝八载，木刺山始筑横塞军，即以子仪为使。又兼九原太守，封汾阳郡公，赐铁券，图形凌烟阁。赐号“尚父”，进位太尉、中书令。见《唐书》本传。

李景略幽州良乡人。大历末，客河中，阖门读书。李怀光为朔方节度使，署巡官。五原将张光杀其妻，以货市狱，前后不能决，景略核实，论杀之。累转侍御史，丰州刺史。回鹘使至，皆拜景略于庭，威名闻塞外。及为河东行军司马留后，李说忌之。回

鹤梅录入贡，过太原，说与之宴梅录，争坐次，说不能遏，景略叱之。梅录识其声，趋前拜之，曰：“非丰州李端公耶？”遂就下坐。说益不平，乃厚赂窦文场使去之。会有传回鹤将入寇者，帝以丰州当寇冲，择可守者，文场因荐景略。丰州穷边气寒，土瘠民贫，景略以勤俭帅众，与士同甘苦，凿咸应、永清二渠，溉田数百顷。二岁之后，储备完实，雄于北边。卒，赠工部尚书。见《唐书》本传。

任迪简京兆万年人。擢进士第。天德李景略表佐其军，会宴客，而行酒者误进醢。景略用法最严，常以饮食杀人，迪简不忍，饮为醕^①，徐以他辞请易之。归略血，不以闻，军中悦其长者。景略卒，举军请为，监军使拘迪简，不听，众大呼，破户出之。德宗遣使者察变，具得其所以然，乃授丰州刺史。卒，赠刑部尚书，谥曰襄。见《唐书》本传。

杨弘礼^{〔三〕}字履庄，华阴人。隋尚书令素弟之子。永徽时，为胜州都督。初，高祖即位，以素有功于隋，诏弘礼袭清河郡公，除太子通事舍人。太宗征辽东，拜兵部侍郎。驻蹕之役，领步骑二十四军跳出贼背，所向摧靡，帝自山下望其众，谓许敬宗曰：“越公儿郎故有家风。”为昆山道副总管，破处密，杀焉耆王，降跋支部，获龟兹、于阗王凯旋。会帝崩，大臣疾之，迁泾州刺史。后追论其功，迁胜州都督，改太府卿。卒，谥曰质。见《唐书》本传。

柴绍字嗣昌，晋州临汾人。武德六年，吐谷浑寇洮州，围急，绍遣人弹胡琵琶二女子对舞，敌方聚观，绍以精骑击其后，大败之。贞观三年，以右卫大将军讨梁师都，其下杀之以降，以其地为夏州，授胜州都督。四年，以左卫卫大将军出金河道，与李勣等凡六总管师十万，讨颉利，^{〔四〕}灭突厥。见《纲鉴》。

① 醕：饮尽杯中酒。